

derogat Summus Pontifex. Secundo est ad uertendum, quod nomine Beneficij intelligitur etiam officij pastorale, ut prioratus, guardianatus, prouincialatus, &c. quæ inter beneficia Ecclesiastica computantur.

¶ His suppositis ad dubium respondet frater Emanuel. i. Tom. qq. regularium. art. 13. quod Prælati regulares [etiam habentes iurisdictionem Episcopalem] non possunt absoluerè, neq; dispensare cū suis subditis Simoniacis in Ordine, cum priuilegia quibus id facere poterant per Sixtum. 5. sint iam abrogata. Neq; etiam possunt absoluerè eos, & cum eis dispensare, quando ipsorum delictū est occultum virtute Concilij Tridentini: cum etiam decretū Concilij Tridentini quo ad hoc sit per Sixtum. 5. abrogatum, & per Clementem. 8. respectu eorum, quæ pertinet ad prædictos Simoniacos, nihil sit immutatum, ut constat, ex literis Clementis. 8. qui anno Incarnationis Dominicæ. 1595. pridie Kalend. Martij, Pontificatus sui anno. 5. Motu proprio & ex certa scientia, ac de Apostolicæ sedis plenitudine, sua perpetua ualitura constitutione suprascriptas literas Sixti. 5. ad terminos sacrorū Canonum, ac Constitutio-